

依堂隨筆 卷一



蓋聞臨海測蠡量罔辨夫歸墟坐井自蔽識徒昧乎蒼昊是以  
天闕既登爰知岱華之崇地紘斯布彌形壤隅之隘翠琳片篋  
足敵萬磻神麟一角無羨千腋信乎部婁微植將仰質於空冥  
牛涔細流方朝宗於澗瀆者焉若乃霓裳妙舞本無炫於仙都  
鈞天發響乃不諧於郢奏撰述蓋寡標識甚難伊古以來抑有  
是乎

雙圃先生雲英夙騫霞質斯契蟲魚豹鼠研幾終郭之篇崑崙  
宛委探奇金石之富翔聲鵷林蜚藻瀛宇張鷟制舉時稱青錢  
之選令狐入直常訝玉繩之低遂乃發策虎闈分校觚闕桃李  
之下羣非所集薛卞之門奇寶斯萃固已翺遊遼廓之表而睇

棣懷堂隨筆

汪序一

視塵壤側足聞闔之旁而心垂躡躡者矣故夫著爲篇什撰此  
縑緗或同蜃海之觀有若鸞凰之嘯應劭宏通茂先淹博對策  
第一仍同下帷之年校書逾萬無假燃藜之讀觀其高論鑠古  
深識蓋世稜稜嚴威咸驚董狐之筆凜凜寒穎如逢雷煥之劒  
霜隼下注鷄燕罷其飛翻天駒橫行駑蹇由茲奔蹶賢奸之辨  
收其遁情平反之獄洽此允議又復權輿七啓甄陶四始風誼  
抒其欵誠道心永其幽曠苔岑贈言期佩乎弦韋河梁錄別情  
餘乎荆蓋微雲疎雨秘省吟秋之章東風御柳寒食冶春之句  
以至子山哀詠安仁惻愴孤猿三峽之嘯隴水千年之咽信足  
以艷奪蜀錦悲逾楚些者也昔者伯牙之遇鍾期爲發清奏侯

芭之事楊雄屢問奇字士進吹全濫竽享徒敝帚闕里赤虹之  
書未習其文晉國黃熊之辯未舉其典駒光若馳蚊睫焉擇羊  
角扶搖終阻垂天之路驥尾騰蹕亮無躡景之方入長安之市  
誰識馬周攀河陽之花未逢潘令捧檄之志斯在代耕之願徒  
戢三椽屋瓦踞影低眉一隅枕泣埋愁寄恨猶冀黃壤無煙青  
雲可附則搶榆弱羽或得遂其回翔蘊璞微珍藉可資夫礪斲  
幸被光霽輒子獎藉昧茲謗陋用貢煩覲庶幾援蒿蘿之誼企  
翦拂之雅翥鳳攀嵒頗解延之之詠仙舟御李非無荀爽之慕  
云爾道光辛巳閏三月三日愚小弟汪士進敬序

棣懷堂隨筆

汪序二

二



棣懷堂隨筆卷一

春明雜著

長沙李象鷗雙圃

贈安徽楊葆卿

宜之孝廉序

嘉慶十八年

余生以元默攝提格之年。厲相之月。其日維已。其時在辰。葆卿以戌時生。年月日皆同。眷天涯之契合。無人事之參差。乃援翰而序之。曰。某生三十有二年矣。溯講貫於湘南。非無角巾喜聯。翩於冀北。謬託肩隨。然而谷並鶯遷。行猶雁次。人有齊年之誼。語無同日之緣。是以君實之會羣英。終當序齒。仲容之作前輩。尚待忘年。未有祿命相符。干支半協。占星八煞。問字六同。如余與葆卿者。亦異事也。葆卿以佳公子作賢主人。假客館以居停。

棣懷堂隨筆

卷一

春明雜著

一

王曾割宅愛吾廬之闐寂。潘岳面城既而坐。我以春風霏我以玉屑。相忘視蔭有與疑年。溯蓬矢及桑弧。均是壬寅之弱陋。乘車與戴笠。何煩甲乙之盟。此年之同也。時則大火西流。金風曉振。君占蘭月。我值瓜期。願滌暑於將闌。佇浮槎其有待。此月之同也。况乃金鍼暗度。剛符後甲之三寶。蓋齊張尙隔中央之五天。有十日就盈。數以相成。候紀一旬。冀末光其可附。此日之同也。雖復玉盤迅轉。銀箭偶差。然我生不辰。幸免古賢之謂奄茂。維戍別有秀氣之鍾。若教長日如年。遂歷二分之久。錯解四時。爲歲便當。期月有奇。相去幾何。後來居上。住君三千歲。小住爲佳。思君十二時。相思過半。洵乎無獨必有。偶原非月異。歲不同。

也夫戴氏金蘭陳生膠漆尹班誼篤管鮑情親惟志趣之不殊  
豈年齡之相埒若夫南豐之聯名兩度同年未必同庚李摯之  
結契四般同歲不聞同月登第摯詩有云契合四般同而況  
連江洽比彥才則日上稍差陳詩有云只因日上差些子笑向  
連江作即如魯國偕生公爲亦日計不足天下事殊難強合古  
鈞翁今人固自不同茲者幸際奇緣聊申短引請題鉅筆用助清懷  
庶幾一詠一觴永諧金石從此如兄如弟莫辨壘麓渾小年與  
大年願來日如去日

棟懷堂隨筆

卷一

春明雜著

甲戌歲二月朔癸巳越七日太史友其爾衆士悉至于庭進相  
揖乃言曰三十徵庸咸中有慶兄弟方來儀不及物公乃自以  
爲功鼎致用酒若是多盤農父若保肅將祇歡乃賡載歌時坦齋農  
部有又曰庶常吉士女永有辭子小子其退不良于言昧昧我  
思之書用識哉拜首稽手曰惟公懋德罔有不欽慎厥身修言  
以道接服食器用克儉于家出入起居圖忱于正思其艱圖其  
易爾惟自鞠自苦夙夜惟寅義制事禮制心人之有能有爲聰  
明時又我聞在昔能自得師陳于茲時其教告君昔從事始典  
于學自乃邑樹之風聲君爲諸生時惟十有二年丁卯八月執

棣懷堂隨筆 卷一 春明雜著

三

藝事其試哉惟爾多士至于五千莫與女爭能君是年以第  
十有三年戊辰有若南宮其惟吉士罔遊于逸厥脩乃來一人領鄉薦惟  
士明年授庚午對揚天子之休命誕敷文德西土君子奔走事成進  
編修職

厥考是年偕春農三考黜陟無偏無陂二人共貞惟和惟一出

納五言律和聲宏敷五典命作冊詩文經策是科若射之有志

各設申于乃心若火之燎于原其克灼知厥若試可乃已告厥

成功既受命還則遠人格自粵西便御其母念五六日有依歸

恭厥兄或四三年不克見自丁卯入都其大悖典時庸展親能

使有好于而家方祇厥敘乃心罔不在王室猶不常寧若濟巨

川至于大陸則入告爾后于內惟簡在上帝之心自時厥後旁



哭五弟文 有序

歲甲戌十一月二十四日聞五弟凶問因追念九弟揮淚爲文以誌感傷云爾

嗚呼香無卻死樹不返魂兩斷墳簾一朝風燭豈不痛哉其始聞九弟耗也一書到燕五內酸楚彼岡而呼予季曾託肩隨于宗而念同人空嗟袒免死者長已傷如之何況乃踵不及旋肱將再折蒲節偕柳枝共瘁桃根與李樹同僵卜子則投杖頻來敬姜則據牀屢泣問天無語搶地有聲死喪之威未有甚於吾弟者矣弟以英妙之姿服詩書之教幼而好學長更達材固宜拾芥紆青封泥炫紫而乃詞成珠玉賦闕藻芹兀兀以經年

棗懷堂隨筆 卷一 春明雜著

五

是區區者不畀張鷟萬選宜登秀孝之堂曼卿一生不得文章之力此兩弟之隱恨也昔也伯兄無祿仲叔同悲子雅則競爽空傳思曼則風流頓盡伊龍文之載啟惟茲四人感雁序之中分先弱一个遂令望夫石上霜寒長姐之心思子宮前雨下高堂之淚此又兩弟之隱恨也天不悔禍之延人無同生之望弟先兄舉永成地下之郎暑往寒來再促雲中之駕姜家布被竟作附棺田氏紫荆待將拱墓而謂聞之不貽然驚哭之不愴然絕者哉余恨人也痛念慈親興懷世父鯉不躍舍駒空在途而況風雨牀頭饗寂大蘇之夢命圖兄以癸亥歲卒絃歌座裏春殘小阮之觴雲衢姪以回首不堪傷心未已一窠之竹不報平安九子之

萍。時。形。飄。泊。今。又。以。兩。弟。來。告。矣。薄。宦。羈。身。他。鄉。望。遠。目。不。覩。  
疲。耗。耳。不。接。呻。吟。生。不。奉。赭。鞭。死。不。護。倩。柳。心。滋。戚。焉。五。弟。以。  
癸。卯。年。生。得。年。三。十。有。二。九。弟。以。丙。午。年。生。得。年。二。十。有。九。仲。  
自。筮。賓。之。後。僅。益。一。終。叔。於。試。吏。之。期。向。少。一。歲。截。長。補。短。印。  
只。合。乎。從。辛。以。月。繫。時。名。真。符。於。畢。甲。豈。不。痛。哉。椿。萱。未。老。待。  
溫。清。以。何。人。弟。妹。僅。存。願。撫。摩。以。無。日。萬。事。都。已。空。題。白。玉。之。  
樓。九。原。有。知。猶。飲。黃。泉。之。泣。

情真語摯不堪卒讀祭十二郎文後此其嗣音矣

一亭識

語根至性令有同痛者讀之益難爲懷

吳增嘉小豹謹誌

情文雙絕刻肝鏤肺六腑生花千秋奇痛

聽翁弟讀

棣懷堂隨筆

卷一

春明雜著

六

祭王霞九同年元配劉安人文

維寶婺之星沉兮。悵瓊田之路絕。簾旌杳其中斷兮。絃柱調而竟折。彼奉倩之神傷兮。嗟子荆之心惻。感霜露之不居兮。見風煙之飄瞥。溯河洲之載詠兮。稟幽貞之淑德。嫺趙母之明訓兮。諒陶嬰之苦節。氏母本節婦締梁孟以爲偶兮。本韓殷之不別。氏父九舅洎六禮之告成兮。洵四行之罔越。言樹背以趨承兮。眷齊眉之對列。父歿母存兮。子心則悲。舅歿姑老兮。婦職無闕。烹鯉膳以親嘗兮。典鴛釵而盡撤。豈惟授枕。几以追隨兮。及初箴之補綴。若伉儷之諧好兮。比絲蘿之縈結。願樂羊之精於勤兮。知鮑宣之貧而潔。奉長奴以和壹兮。如琴之友乎瑟。視小婦以温

棣懷堂隨筆

卷一

春明雜著

七

惠兮如星之麗乎。月若其體侍御而宜室家也。又非更僕之所能縷說。乃遵高堂之慈命兮。念遊子之孤子。謂佐餒之事小兮。盼含飴之情切伊。十載其於茲兮。經三索之有得。慨宜男之草生兮。又卻死之香滅。幸者番之熊夢兮。固有事於蓬矢之設。夫何二豎之摧殘兮。作百計以逼迫。進赭鞭以罔徵兮。黯彤管其無色。對藁砧而悽愴兮。顧襁褓而辭訣。況如彼朝生之若華兮。又不成乎瓜瓞。有母孤身以處兮。將待其扶持。以終耄耋也。有姑千里而遙兮。猶冀彌月之不副。圻也有女十歲以上下兮。誰與左提而右挈也。謂季直之畱書兮。將無歎逝者而酸烈也。撫旅櫬之蕭條兮。竟付之南轅與北轍也。某等夙佩芳型。心儀令



祭彭西浦先生文

代賣臣殿撰門下士

嗚呼江亭水咽石廩風隕策素騏而路絕指丹旄而神摧長空  
則鶴隨雲去噩耗則雁自峰回地下神仙眷佳城之鬱鬱天涯  
游宦陟彼帖而哀哀悲莫悲兮歌楚些望復望兮上燕臺吾師  
之心雨泣而露愴吾太夫子之德山高而水長拜芳型於私淑  
儀道範於公堂耳習歸親之義目濡就養之方敬妥靈而奠酒  
爰誅事而成章維公秉姿夙慧擅譽年芳聲騰金石字挾風霜  
固宜汁鹿鳴於莘野遷鶯谷於春陽而乃青衿莫賦白臘空傷  
石曼卿文章無力羅江東姓字不揚將士之遇合非偶也抑可  
知不於其身者卜其後之必昌在昔著雍紀歲火旱協躔出條

棟懷堂隨筆

卷一

春明雜著

九

蟪於水底掘蟄燕於山前平陽十日射的千錢公乃計周任卹  
念切矜憐路設黔敖之食家分袁佐之餽戶以鍾餼室將磬懸  
數晨炊而釜漏貸隣糴而籌添故能養望於荒年之穀種福於  
續命之田既而還珠無日完璧罔微嚮別業於蕭復罄家貲於  
參軍郝景興之積錢一朝都盡孟嘗君之收債有券皆焚而公  
之力竭矣而公之澤深矣且夫植木者必固蒂而後含華也養  
禾者必深耕而後垂穎也王氏世存陰德槐蔭庭森竇家教有  
義方桂林香引宜乎誕育雋才蜚聲禁省李賦日華韓瞻雲影  
題柳下之棗糕冠筍班之綾餅百花頭上安排東閣之梅一舉  
首登掩映瓊林之杏春風則衣鉢傳人秋校則輪袍奪錦況乃

龍光晉接。呂大防第一。講官鴻藻。鋪張王摩詰。擅名中允。人第  
見紫誥。榮封斑衣。定省將食。福以顯其親也。而烏知積厚流光  
者。固培之有本乎。復有階蘭馥郁。泮藻繽紛。論秀則一門競爽。  
分經則七業惟勤。此謝靈運之詩歌。必陳祖德。陸士衡之文采。  
載誦先芬者也。若夫性秉和易。誼重睦婣。範家人而正位。本內  
則以敦倫。幕集王祥之雀。殮供姜氏之鱗。北堂有喜。南陔是循。  
則公孝思之純也。家住德星之里。堂聯讓水之濱。常華並茂。荆  
樹常春。則公友愛之真也。陳平見推於父老。王烈引重乎鄉鄰。  
光風霽月。清節和神。則公之聯里黨而輯族人也。他如肥豸載  
設。鳴嚶有聲。我鼓我舞。交遊以誠。庭惟薦附。野不樛生。爾居爾  
棟。懷堂隨筆。卷一 春明雜著

十

宿婚媾以情。管鮑篤分財之誼。朱陳敦累世之盟。此固合親疏  
遠近。罔不佩戴而心傾。嗚呼。名教可師。善言足紀。題楹誌惜福  
之箴。易簣申服官之理。思模範其匪遙。欽典型其未已。昔者蓼  
莪之廢。感自門人。蒿里之章。歌由弟子。某等夙侍几筵。追陪杖  
履。聲摧錦瑟。淒涼馬帳之前。雪映麻衣。愴絕程門之裏。所愧望  
乏梗。楠材非桃李。未護柳車。空來槐市。望斷防封之雨。無路送  
輜神。飛衡嶽之雲。傷心薦禮尙饗。

重修長郡會館啟

會館古之邸舍。所以待郡國之至京師者也。文昌新入。登龍來  
席上之珍。武庫森羅。旋馬列門前之戟。昨夜蘆溝風月。盼到停  
驂。今朝碣石宮庭。言將就館。慰周行之跋涉。託夏屋以容與。藉  
洗塵囂。寶資寄寓矣。長郡之有會館。肇自前明。楊氏新昌。永稱  
舊業。卹孫司里。時溯先臣。泊烽火之肆災。又行營之竊據。縱令  
弓。仍楚得璧。許趙歸。而仲蔚蓬蒿。滿庭莫掃。淵明松菊。三徑皆  
荒。遂乃撥故址於寒灰。煥新猷於丕構。燕喜德星之社。鳩工畫  
錦之堂。風雨不驚。日月在牖。蓋自先賢修葺而後。又百十年於  
茲矣。且夫善作者善成。思始者思復。迄今翹材館設。通德門開。  
棟懷堂隨筆

卷一 春明雜著

十一

鳳嶺鸞山。萃奇英於星軫。銅宮玉筍。引勝地於江天。士窺奧府  
之藏。人負干城之選。王成上計。不愧循良。卜式輸財。率稱長者。  
鵬振湘南之翮。馬空冀北之羣。乃覲于京。適子之館。是卽晏嬰  
更宅。隣依爽塏。之方僧孺。卜居地。繪清華之景。猶慮小齋客滿。  
狹室賦成。門不容東里之車。座莫下南州之榻。況乃商羊庭舞。  
石燕羽翔。風淒容膝之窗。雪壓礙眉之戶。劉子珪之別業。瓦屋  
皆穿。庾開府之小園。茅茨盡漏。其何以娛多士。而增同里之輝。  
也。若乃因勞定國。俟膺忠義之封。肇祀酬勳。

天錫神明之號。

國朝進  
封曰關聖

馨香一德。俎豆千秋。廟貌常存。禮容

惟肅。由來舊矣。然而詩歌孝友。象協文明。綺閣未崇。徽章有闕。

昔固言登第。猶念餉餼。冀儁知書。無忘釋菜。何況垣高北斗。秀  
毓梓潼。天惟陰隲。下民是彝。是訓帝乃誕敷。文德得祿得名。  
固宜結香火之因緣。亦是握彙珠之勝筭也。夫秋風匏葉。霜封  
七宿之橋。玉鉢蓮花。雲護千尋之塔。家真積善。里是親仁。猶能  
力散餘貲。襄茲義舉。矧乎揚鞭綺陌。擁蓋長安。三千里棲寓之  
鄉。十二屬居游之地。倘肩牆之爲陋。惟面壁其何資。某等薄宦  
羈身。莫效踵門之告。空囊束手。徒勞仰屋之籌。所望衆力同撐。  
相助爲理。榆錢不惜。梓里有光。從茲肯構肯堂。猶是溫廬涼蔭。  
抑且美輪美奐。不數青瑣綠墀矣。

棣懷堂隨筆

卷一

春明雜著

十一

復賀耦庚前輩書二十二年

蕭門云非  
深知藕庚  
者不能道  
得如此真  
切

某月日奉手教敬悉佳想高堂萬福兄弟既翕至樂也伏惟閣下望慰仰山懷虛應谷凡自晉來皆稱道弗衰謂一空從前作者不唯氣壓元龍亦且量儕公瑾近楊齊年歸藉領方略允汁與評閣下高明之才謙抑之度和平其性情爽朗其心地以之手提風雅固有勝人什伯者呂易直自不糊塗除卻小事王荆公若非執拗真是全才某昔侍奉左右挹其言論窺其衷曲是以知之最深信之甚篤惟精神用之有餘一節尤可欣羨從古賢人君子豪傑與夫大奸大惡下逮奔走伺候之流皆莫不挾有為之具必為之心各以身履焉而不倦惟須擇於所用耳又

棣懷堂隨筆

卷一 春明雜著

三

今之視學者每以正士習為已任不知正士習由於作士氣勸

之以所能為斯有所不為矣人性不甚相遠也其習於不善而

不可變易者十不得一二君子成人莫如誘掖其次教誨不係

整齊未有詆民風而為良有司未有薄士習而為好學使者素

託知心敢附於贈言之義惟採擇焉幸甚

憶丁丑與柘農同寓見此書深服其民風士習之語為的確

不刊之論迄今已九載矣頃來保陽適領首郡宜民獲上與

論翕然坐言起行真不相背持是心也以往豈獨稱良二千

石哉宏此遠謨大用大效為君幸更為君勗也

麓門閣讀時

乙酉二月十一日燈下識

精神須擇所用是英雄中理學充之優於天下聽翁讀

棣懷堂隨筆

卷一

春明雜著

十四



精神須擇所用是英雄中理學充之優於天下聽翁讀



寄周介夫明府書

自閣下來長安。鶯鄰洽比。鳧舄差池。弄笛月白。揮麈屑霏。別後情懷。千里與共。醇酒交君。潭水送我。揆之古人。時復似之。荷裳綺注。近錫瑤章。連日條澌垂檐。積雪過尺。披裘若縠。擁被成冰。得故人一紙書。便勃勃有春意。幸甚厚甚。來書獎藉。莫勝惶汗。僕養慵於嵇。醫癖於杜。負此中秘。慙對良友。夫復何言。書中道居官方略。具徵設施。大展懷來。就中一二語。未愜鄙衷。輒効芻蕘。敬陳左右。武漢固西南孔衢也。其俗奢麗。其人蕩洗。其獄訟繁多。而不可禁。其情詐設。其氣桀驚。誠不易治。然得賢有司。振綱挈領。除煩蠲苛。固不必舉斯民而易之。學使詆文風。則士氣

棟懷堂隨筆

卷一

春明雜著

六

益靡州縣。詆民風。則民情益漓。此理之必然者。閣下循良之後。夙奉庭訓。有製錦之才。有鳴琴之度。有戴星之精力。有沛澤之性情。上可稱慈惠之師。其次亦不失為明察。而以才悍責之民。復何望於俗吏介夫。勉乎哉。行之一二年。而馴至久道必有護惜。甘棠不忍翦伐者。卽其地也。他日編循吏傳。相與指爲小焉之蹟。君之先人有光矣。僕與閣下交非淺言。不得不深唯高明鑒督焉。亦願實夫無以被褐負薪爲子孫慮。

寥寥數言於居官治民洞見五藏癥結。可以見此日之性情。

可以想異時之經綸。一亭識。

詆民風不宜出之讀書。人能讀書無不能愛民。今之爲令者。

須將古來循良如魯恭卓茂劉矩劉曠諸先賢所以愛養斯  
民者細細觀玩學得一分便有一分受用而民亦受一分之  
賜昔人云升堂視事退堂觀書旨哉言乎 受業祥和謹注  
卓然名論而不落腐儒窠臼其所見者大也其文氣精醇出  
於昭明太子而入於昌黎 聽翁弟讀

棟懷堂隨筆

卷一

春明雜著

七



城郭即太子而入於昌黎 聽翁弟讀  
卓然名論而不落腐儒窠臼其所見者大也其文氣精醇出  
於昭明太子而入於昌黎 聽翁弟讀  
卓然名論而不落腐儒窠臼其所見者大也其文氣精醇出  
於昭明太子而入於昌黎 聽翁弟讀

陶笙樓三蕉餘話序 二十三年

三蕉餘話二卷。邑人陶子笙樓所撰也。若夫祖生志怪。意昉齊諧。千寶搜神。法叅董史。鴟飛龍門。盲左著其詞。狐鳴犬噪。伯喈廣其義。士生不偶。才擅無雙。擇物而假之鳴。因文以抉其異。蓋所以寫牢騷之氣。而攄傀儡之胸也。然而漆吏荒唐。汾陽深僻。韓昌黎荆潭唱和。雅尙搜奇。蘇子瞻嶺表逍遙。強人說鬼。知襟懷之偶託。雖游戲其何傷。固不越名教之坊。亦無關勸懲之旨。而欲求敷陳吏治。因清濁以激揚。扶植經常。示貞淫之法。戒殊未有合焉。吾友笙樓。詞賦機雲。文章左國。負南豐之駿望。兼擅五言。秉溫國之鴻才。亦能四六。爭看錦繡。半付棗梨。鈔書者欲

棣懷堂隨筆

卷一

春明雜著

六

秃毛錐綴序者。各相鱗次。蒙無尾續貂。因斑見豹。望餘霞之散綺。想流水之盈科。謝疊山古事。繽紛自成。隨筆孟東野。情詞委曲。別有新裁。而後知雜俎在盤。亦分甘於鼎鼐也。餘音盈耳。亦發韻於管絃也。胡爲乎長卿多病。季重工愁。文富遇窮。學優年促。玉樓驟召。天爲遴才。宿草方生。人皆墮淚。況我岑苔。得味泮藻。分芳早歲。追隨同戴。游楊之雪中。年契闊遠。楫元白之筒。碌碌今吾。冥冥良友。聯三生之舊雨。撫一束之遺編。字挾風霜。條分袞鉞。詞或過激。而於義無乖。事或狃聞。而於理不悖。抑亦覺世之言也。若乃表章潛德。眷念寒門。償逋於大歎之年。焚券非他人之慨。所愧孫詒有穀。祖武未繩。謝靈運之詩歌。敢忘世德。

潘安仁之文采。載誦家風。余有食舊之徵。君是闡微之筆。則是編也。可以豁心志。可以增見聞。可以勵節操。可以警貪泆。可以知鬼神之說。可以叅果報之因。又豈徒呂氏春秋。炫篇章於錄異。柳州問答。侈文字之起幽已哉。

余總角卽侍先大夫遠游與陶笙樓茂才同邑相距不數里聞其名而未見其面亦未得讀其詩文集及來長安於易午亭農部處見其三蕉餘話窺豹一斑惜其賫志以歿令人有有文無福之慨今距午亭之歿又四年矣讀此序益增懷舊之思云

麓門

文章有神交有道讀之使人舊雨之感油然而生不獨組織

棟懷堂隨筆

卷一

春明雜著

九

精妙也

聽翁弟讀

得此表章之筆笙樓爲不朽矣

雲汀

謝宮星楣前輩贈裘啟

地○氣○嚴○凝○冀○北○自○宜○皮○服○家○風○儉○素○隴○西○原○是○布○衣○忽○荷○隆○情○  
特○頒○華○飾○君○欲○厚○故○人○之○誼○僕○恐○盡○君○子○之○歡○而○况○服○未○附○身○  
裳○猶○在○笥○不○如○子○之○安○吉○豈○不○足○於○體○與○若○受○人○之○矜○憐○寧○亦○  
寒○至○此○也○是○用○趙○仍○完○璧○楚○不○得○弓○然○而○君○意○良○深○愚○衷○且○感○  
拜○辭○更○肫○於○拜○受○生○文○乃○可○以○生○情○祇○今○谷○不○長○寒○子○山○再○續○  
絲○綾○之○啟○自○笑○袍○原○傲○緼○仲○氏○敢○披○狐○貉○之○裘○謹○謝○

婉而嚴曲而有直體必如此而後可以有為 聽翁弟讀

棣懷堂隨筆

卷一

春明雜著

三

傲而嚴曲而有直體必如此而後可以有為 聽翁弟讀

其論更強然我受主文代可以主替斯今谷不其寒于山再續

寒至此也是用趙仍完璧楚不得弓然而君意良深愚衷且感

拜辭更肫於拜受生文乃可以生情祇今谷不長寒子山再續

絲綾之啟自笑袍原傲緼仲氏敢披狐貉之裘謹謝

地氣嚴凝冀北自宜皮服家風儉素隴西原是布衣忽荷隆情

特頒華飾君欲厚故人之誼僕恐盡君子之歡而况服未附身

裳猶在笥不如子之安吉豈不足於體與若受人之矜憐寧亦

寒至此也是用趙仍完璧楚不得弓然而君意良深愚衷且感

送徐山民 江 出宰新城序

昔歲與辛楣交。卽知閣下高義。以古人自期。其飭躬也嚴。其泣事也明敏。性剛毅。不苟阿上官意。不優容彊禦。卒以此黜而不疚於心。偉矣哉。某愛之敬之。以不得一見爲恨。嗣入都。幸得相見。值行旌迅速。不長侍左右。一罄底蘊。今別矣。某臥病未克。祖都門外。悵甚憶少時讀古循吏傳。輒想慕其人。聞當世膺民社。能興利去惡。不洩染以求瓦全者。亦識之於心。不忘自博一第。於茲十載。未卜果可藉手。以異於俗吏之所爲。否閣下之行事。某不知知之於辛楣之知。某於辛楣性情交。閣下不必知某。又可於辛楣之交知之也。此行也。閣下豈以百里之符爲榮。將營

棣懷堂隨筆

卷一

春明雜著

三

營於失而復得。而有顧慮。心誠不足。爲當局慮。然而學問之道。經濟徵之。而強毅之資。意氣亦得。而參之如閣下之崖岸。而養以和平。愛其身。以有待。藉一官。以爲百姓造福之用。方古循吏。何以加諸。楓胎少能文章。矜氣誼。有幹濟才。其僨事非獨不擇交之過。亦脫略。且任性耳。惜之承其後者。固不能舉習俗而遽易之也。可不慎歟。某一歲中。喪三子二女。近臥病。而內子以鬱生疾。瀕於危。中年多故。足灰傑士心。方寸煩亂。語無倫次。申景仰之情。誌離別之感云耳。若以爲贈言。覲然自附於君子。夫何敢。

淺交深言。僑札古意。非後世所解也。文亦憂憂獨造。不肯寄

人庶下 聽翁弟讀

棟懷堂隨筆

卷一

春明雜著

三



人庶下 聽翁弟讀

祭歐陽樹堂文 二十四年

士之秉清才。淑德文章。政術燦然。可觀爲同輩。所宗仰。非獨生而負異也。蓋必有以成之。其祇父恭兄和協。輯睦怡然。相接爲閭閻。所則效。非獨子弟之良也。蓋必有以先之。如坦齋侍御之胸期磊落。品義高潔。其門庭雍洽。而肅清。則樹堂先生之教居多。某等與先生同籍湖湘。以南北宦游。無由交先生。卽苔情適合。琴誼相聯者。亦未嘗朝夕聚處。藉窺其底蘊。而侍御官京師。十六七載。某等交侍御久。且深常道先生之事。綦詳侍御之言。曰。余少孤。奉母教。兄弟五。樹堂兄其仲也。以先伯母愛子之。自五弟卒。伯兄及三兄相繼沒。獨樹堂兄總兩家事。余之官京師。棣懷堂隨筆

卷一 春明雜著

三

不空乏者。吾兄經營之力也。兄生而魁梧。事太夫人先意承志。友于兄。思先大夫詩書裕後之訓。不欲使諸弟廢學。長余四歲。耳而慤勤教誨。常有嚴憚切磋之心。性敏達。負氣崖岸。與人直言無隱。不必計其能受與否。及事後追惟不爽。先見人服其颯爽。而亦不以精明累吾家。於邑中頗稱饒裕。旣承伯母繼。深得歡心。惟服食器用。取攜便也。而樸素性成。不肯及身開奢靡之漸。內而子弟。外而比閭族黨。咸惕以物力之艱難。有緩急相求。則不靳。自奉儉。而不儉於施。故啟迪人習其教。周濟人戴其恩。富而不至以招怨。補弟子員。餼於庠。屢試不中。思以廣其所學。及司鐸桂東。與諸生明教化。飭倫理。以餘事及文藝。其所以薰



擬漢高祖再上太公啟 二十五年

按本紀高祖六年朝太公太公以家令言擁篲迎門曰帝人主也奈何以我亂天下法於是高祖尊太公為太上皇近見未曾有集有擬太公辭太上皇詔載置俎分羹事辭婉意刻愚謂太公誚讓旁人吐罵不如自言之尤足定罪案也因擬再上太公啟

○麓○云○開○口○便○道○破○何○等○狠○心臣每思置俎時輒用心悸羽忍人也甘言不可入臣以忍濟今

○心○語家禮無缺而徽號未加罔慊於厥衷臣以去年正月即帝位功

○功○臣○久○矣臣列侯王皆裂土受爵天下底定推私情以榮其親誰復議者

大人若過懷謙抑不允所稱四方萬國其謂臣何昔瞽瞍見執

棟懷堂隨筆 卷一 春明雜著

虛妙在○荒謬絕倫

法改宗堯羽山被殛禮不王鯀臣每讀書輒增感歎又臣少時

不治產業珍膳缺如禮不云乎大孝尊親其下能養臣未之養

也敢忘尊親乎大人其受而稱之母令天下後世以不孝訾臣

者

簡質 向亭

公置漢書中莫辨 南雅 自言之次皇室樂業也

百葉百選太公韓太土皇帝諸葛諸葛長英中猶誠意候愚

出奈何以并濟天下出外最高顯尊太公欲太土皇改貝未

對本據高顯六平博太公太公以案合言觀聽戰門曰帝人

擬答呂相書

昔我穆公求繫大國。獻公不棄遐逝。以伯姬歸。匪仇讎而昏姻也。穆公不敢忘德。獻公薨。國內不靖。穆公會齊侯。納惠公以典。晉祀惠公。亟於得國。不愛土地。重賂求入。穆公以是薄其爲人。既與齊有約言。又惟興滅繼絕之義。懼爲德不卒。以貽獻公羞。是以卒置之。惠公歸。焦瑕設版。敝邑非不足於土地。何愛焉。賈君。君夫人之嫡中大夫。我君所命。以綏靜晉國者也。若之何其。昔之會晉。荐饑。使來乞糴。吾怨其君而矜其民。自雍及絳。輸粟不絕。無何。秦亦饑。晉利其災而閉之糴。我是以有韓原之師。若以秦之強。因天之怒。乘晉之敝。逞門士之忿。辭拔舍之請。晉不

棟懷堂隨筆

卷一

春明雜著

五

國之義也。吾置晉君何為。苟獎王室以紓吾憂。吾又奚求。鄭無禮於晉。穆公畏君之威。軍汜南以爲之援。貳而伐之。服而舍之。畱杞子卒戍而還。亦欲以覺悟文公。俾輯睦其兄弟。不然。族桓莊之後嗣。斬虞虢之宗盟。余何害焉。鄭爲不道。以怨報德。逐我戍兵。我是以命羣帥問諸鄭。會杞子潰圍出。知滑人實間之。謂我將潛師北門。會獵原圃。我是以釋鄭而移師於滑。以懲讒慝。聞諸道路。文公卽世。郵召羣帥。母及晉郊。以驚其喪。而弱其孤。二。三子陷君於惡。衰絰從戎。截我歸路。俘我將帥。我是以有彭衙之役。穆公痛殺尸之未封。濟河決戰。茅津致死。師老於曲。主制於賓。晉用不敢抗禦。穆襄卽世。康靈卽位。靈公我之自出。其

棣懷堂隨筆 卷一 春明雜著

三

爲太子也。無大失德。晉大夫改蒐易帥。舍君求君。我康公繁。惟穆公之事。是爲冀晉得長君。以鎮撫其社稷。是以送子雍歸國。中道翻覆。阨我令狐。迫我刳首。我是以有河曲之役。康公無祿。

匡五五年共公立是年冬趙穿侵崇

共公嗣服。晉乘其初立。擾我同盟。崇小而辱。與我接壤。以事我爲崇罪。帥大師侵之。已則無禮。而討於有禮者之行禮。我是以有圍焦之役。且夫主盟者固將糾合諸侯。驅戎狄安中夏。是爲

獨不惡傷其類乎

白狄君之昏姻。非我族類也。成公棄同卽異。驪兄弟之國。潰中外之防。是犯先王之教也。寡人忝服二十七年。集疆場以待命。終景之世。不聞辱一介光輔。秦國君之嗣也。以好會命。余聞君先至。令狐使史顛請命。君又不祥不辱。舉玉趾僅以郤大夫來。

盟始之不從。焉能質信。今合九國之師。深涉吾地。吾度德量力。其猶足以辱師。惟懼君弱齡嗣位。德澤未洽。外患方殷。內憂浸起。重貽寡人慮。君若念累世之樹德。捐近世之小嫌。緩鞞諸侯以退。則寡人之願也。豈敢以至。君若不施大惠。惟力是逞。惟飾詞是脩。以致吾罪。西人勁直。不能文。惟有戰耳。

近見未曾有集明人擬答呂相書多錄左語筆亦平直不安。愚昧另擬一道。據秦人之積憤。折晉人之狡獪耳。非有意與明人爭勝也。自記

屬詞比事春秋教也。置之內傳。豈僅無貌合神離之病。麓門

憶十九歲讀左傳時。曾擬作此書後。嫌其未工。屢欲更作。而

棟懷堂隨筆

卷一 春明雜著

天

終不果。今讀是篇。精悍之中。自饒渾厚。可謂實獲我心矣。

侍陳沆秋舫讀

得諸神似是。真有左癖者。祥和謹注

左氏每事右晉。至絕秦一篇。乃明授後人以可攻之隙。故攻之者多然。鮮能窺其壁壘。茲乃入其室而操其戈矣。學尹讀

戲擬枚乘七發八首 道光元年

石坪云倒用東坡句妙

石坪云發入深省

楚邱先生有疾。而吳客往候之。曰：伏聞先生玉體不安。亦少間乎。先生曰：憊。敬謝客。客曰：今時職事清閒。文館久關。先生方富於年。意者日耽安逸。因閒得病。耐冷惡熱。陽氣不勝。饑渴弗知。坐臥無定。風霜外凌。煩鬱內孕。失今不治。將傾厥命。先生豈有是乎。先生曰：敬謝客。然未至於是也。客曰：今夫搢紳之家。必官居而閨處。綽約靚粧。便嬛妙舞。眷參昴之凝輝。忘風山之近蠱。如魚之游。而罹網罟。如木之繁。而尋斤斧。今先生神氣恍惚。手足疲茶。聞人聲而驚悸。晤友朋而沉默。惟縱恣於曲房。乃日形其消竭。苟割愛之不遑。求和緩其無策。先生曰：嘻。客尙未知乎。

棟懷堂隨筆

卷一

春明雜著

无

僕耶。僕得薄於天。室慾自性。處牀第其遺忘。入繁華而澹定。況復安仁悼亡。文通飲恨。鵲自飛而不凰。魚有鰥而何媵。如客所言。藥不對病。客曰：然則何由。先生曰：惟疾之憂。聞之前聖。斯人斯疾。豈曰不慎。僕自仲夏來。皇皇如有所思。惘惘如有所失。恍

石坪云病根

惕煩醒。日復一日。亦不自知何由也。客曰：然則先生之病。可無要言妙道說也。可以藥石鍼刺灸療而已。不欲聞之乎。先生曰：僕願聞之。

表服

客曰：紫貂之裘。入大院而流澗。翡翠纍纍。兮綠沉珊瑚。鏗鏗而紅映。狐腋一重。舐毛雙鋒。雲中之豹。海中之龍。草霜白點。艾葉青蔥。金錢黃淡。華蓋墨濃。其衣以輕。以煖。冬則漂霰。飛雪之所

飲食

不能激也。春則晨風暮雨之所不能感也。若迺縹巾搖曳，洋表  
丁當，左刀右筴，玉帶金相，葛袍米色，羅衫雲光，觀馬眼之紗，明  
披鴨青之袖，長結朝儀之綫，纓繫武備之輕裝，觸暑不熱，無風  
自涼，此亦春明之至華也。先生能彊起著之乎？先生曰：僕病未  
能也。

客曰：魴首之脆，鹿尾之腴，探卵於鵠，摘翅於魚，燕一窠而剔毛，  
鱉兩螯以調羹，菘豆之饅，小顆圓勻，包米之飯，玉色續紛，其蔬  
則江右之蕈，川東之筍，冬竟本楚南之產，葛米出粵西之境，水  
則薺黎陸則桃杏冷咽，楂饊熟餐，爐餅酒以疊行，觥如鼎列，擲  
塞數紅，摩海浮白，此亦春明之至美也。先生能彊起嘗之乎？先

棣懷堂隨筆 卷一 春明雜著

辛

車馬

生曰：僕病未能也。  
客曰：飛行之馬，旁門之輿，唾壺警欬，倚枕跣趺，紬帳內鮮雕鞍，  
外華蝦鬚暑捲，頗黎寒遮，高麗之轆，軟如棉，關東之軸，取其堅，  
山西之較，其齒森然，藍呢作幄，灰布襯韁，鞭策左右，從騎後先，  
泥窩水曲，不輕不軒，候客於俄頃，下園若几筵，此亦春明之至  
駿也。先生能彊起乘之乎？先生曰：僕病未能也。

客曰：矜內美者，非可以外飾炫也。宜雅韻者，難以俗情論也。吾  
子銘紳箴，誠咀味詩書，閑輿軌，範故衣服，飲食車馬之奉，蔑如  
也。僕請更端以畢其說，乃有朋儕脫畧形骸，窗櫺拂拭，枰局鋪

排咽巴菰，以宣鬱烹，顧渚以除煩，無事靜坐，相對忘言，院落中

將三項作  
遞局法文

遊覽  
吟詠

做射侯安放弓如月彎箭如雨響筋骨運動精神一爽先生豈有意乎先生曰僕病未能也

石坪云便筆如口形容入妙

客曰既登陶然之亭西望潘河東盼虎坊緩轡出闌小有餘芳於是邀同社之友摘辭子史摘句唐宋八韻吟詩五言第頌片藁先脫一座傳誦乃置酒於茅簷之下小窗容膝低戶礙眉迴廊紆曲几席斜欹徹餘肴以食從者將散步而及之花草迷路蘆葦映池池水一泓其泥數斗兒童顛倒有汗其首舉一錢以相投倏出沒而著手此春明之麗景賞心之樂事也先生能彊起遊乎先生曰僕病未能也然陽氣見於眉宇之間漸侵淫乎大宅客見先生有悅色也遂推而進之曰撥雲斂羅逐日揮戈

歌舞

棧懷堂隨筆卷一春明雜著

三

石坪云亦雅亦諳真名其妙

流覽既竟逸興偏多使慶齡彈琵琶雙鳳為之歌歌曰光陰迅兮擲梭輕五兩兮風和君莫愁魔付儂消磨儂有樂窩請君婆娑百緣有定兮休閒他流聲悅耳練色娛目座中聞之欣賞莫遏此真先生之所喜也能彊起而游乎先生曰僕甚願從直恐為諸年友累耳然而有起色矣

伏下三項

石坪云例用原文妙

客曰將為先生奏方術之士使之占財帛驗福德明休咎知通塞極天下之精微萃百家之辭說相君之而貴不可言臣生之歲有與疑年母曰小數元之又元受命如響有名則仙故曰發蒙解惑其義乃宣也先生曰善然則術士可信乎客曰不記也然聞之友曰非神而似者三有馬絕迹是名脫羈一相百錢簿

石坪云引  
逸正文

書書之有龍游行江右之謂試紀其年屈指而推長巷二條車馬蕭蕭岳陽館啟小宋名標貌本形乎粗率迹有近於招搖舉六壬而欲問偕朋侶其相邀此亦天下之怪異詭秘有可徵信者也方今冰銜一條雲輅四出將先後而奔走也必有前知以存左驗先生能彊起而問之乎先生曰僕病未能也

客曰將以六月之望與同署先達交友兄弟並往乘乎使者之槎時則未定行之期也徒觀其裝束之所費則郵然足以駭矣青蛛數貫頌網紀兮松牋百幅備旌使兮素紉細楷酬公禮兮有袍缺衿耀行李兮有鞞尖頭便舉趾兮乘籃輿於邸舍馳驛馬於良鄉輿夫蹠躡老馬元黃斂隘狹室郵傳供億有酒如醯

棣懷堂隨筆 卷一 春明雜著

三

有肉近墨嘉節逢乎大暑兮華筵同於寒食屬僕從以早眠兮待發軔於明日車殆馬煩城遙路直當是之時雖有痲辟蹊盤猶將努力而赴之也况直眇小煩憊之症哉先生曰善願復聞之客曰未既於是積日累月爾界此疆當仲秋之初吉始稅駕乎名邦其始至也適館授餐儀典煌煌禮有來而不往人肅清乎關防其將入也肩輿載敞星使有光一言不發如迎佛於西方萬人爭看如飛仙於天堂其既入也標題付梓選技穿楊少年則風華掩映老宿則格律精詳摘韻語之清麗狀經策之鋪張二人校閱幾度平章九礮齊鳴一膀高揭沉海者亦有遺珠入穀者羣推詞傑執贄一緘懷刺三疊無早無暮絡繹不絕撫

石坪云吳  
道子寫神  
不道

豈臬云見  
到語卓然  
大家必傳

無疑

莫皇云實  
事實情

軍慷慨率爾方伯曰惟大叅曰陳時臬一麾半刺禮無敢缺矧  
在明廷棘闈就列惟土物愛厥心臧賁以邱園之束帛洋錢疊  
疊而勻圓丹銀纍纍而朗潔公事畢矣請從此別昔日齷齪今  
朝放蕩囊入載歸心怡神曠豈無典衣還之於桁豈無積逋償  
之於鬮縱渴驥於平泉蘇枯鱗以巨浪雖久宦而不貧值窮冬  
而無恙可以整東郭之履可以洗史雲之塵昌黎送窮之文不  
作子美羞囊之意不存信原思之無疾豈宣子而憂貧此真藥  
石鍼刺灸療起痼之良方也先生豈願爲之乎於是先生據几  
而起恣然汗出霍然病已

石坪云識  
語極確母

庸再批

文人游戲必有寄託而意在翫世語涉罵人識者無取焉蒙

棟懷堂隨筆 卷一 春明雜著

三

全爲自己寫照更無胸中牢騷言外諷刺至其逐段闡發意  
態踴躍妙於形容叅透俗情自成雅致頗有一節之長 辛巳

六月十四日自識

日來酷暑侵迫頭岑岑欲墜偶一展卷汗雨如注早蠅夕蚊  
耳目俱塞忽得新著心扉開爽清風自來萬塵都掃枚大夫  
之善發有過扁盧矣皇華之曲前腔雖度尙有尾聲嶽翠河  
流與太行秋色得之亦添吟本爲大雅祝亦自冀也 琴南來

札

東坡居士嬉笑怒罵皆成文章僕謂子雲客嘲孟堅賓戲筆  
墨游戲自得風流若鄭五歇後劉四罵人則有乘大雅矣此

作以古格韻寫今情事戲謔之善得之風人言語之工妙於天下卷施閣之七招羣峯集之七療庶幾方軌

又批

借題攄寫終不掩其器宇軒昂襟期灑落之概吾不知其胸中吞幾許雲夢矣

一亭識

形容殆盡傳之後世亦可以識時事不得視爲遊戲之文

祥河謹識

以文道俗因小見大惟妙惟肖不可階

麓門闕註

嘗愛西京賦程角觝之妙戰一段謂其能以文言道俗情夫跳丸走索吐火吞刀在令人讀以爲奇古其實皆當時事耳先生斯文調取子山琢句練字間用齊梁小牋奇奇妙妙足

棣懷堂隨筆

卷一

春明雜著

三

以備時事而資考鏡

曹謹拜讀

可補帝京景物略而辭之華與善長水經注同工文人之筆何所不可

伯山

七自枚叟而後皆苦詞繁讀之易倦子建且然況其下乎此獨令人擊節非特事近語諧良由筆妙其逐段形容著語無多意態自現化工非畫工也

黠庵拜註

千態萬狀絕妙寫生僕素不飲讀竟浮一大白

初秋拜註

指事類物神妙直到秋毫巔

文鳳拜註

巧不傷雅謔不爲虐寫景維眞傳神逼肖

芥溪度註

余宦游十餘載泊己卯庚辰間琴瑟摧殘芝蘭凋謝居恆抑

鬱藉文字爲破悶之緣脫藁後隨手散失不復存錄是作成於辛巳五月同人以其不虐輒相節取至戊子石坪以稿寄還越八年矣會曉瞻來中州余出以是正曉瞻嘗聞之鶴亭猶能記憶大半遂付剞劂余學殖荒落懼爲棗梨辱而鳩盤達首悅已者何必不西施錄此以誌良友惓惓之誼

戊子仲秋漁樵散人再識

棣懷堂隨筆

卷一

春明雜著

三

九子竹舟所懸遊人再識

發首詩曰青田必不西施錄此以誌良友惓惓之誼

鐵箱鑄印大半發付諸風余學殖荒落懼爲棗梨辱而鳩盤

達首悅已者何必不西施錄此以誌良友惓惓之誼

於辛巳正月同人以其不虐輒相節取至戊子石坪以稿寄

還越八年矣會曉瞻來中州余出以是正曉瞻嘗聞之鶴亭

讀趙普傳

詩餘云補  
似明允

詩餘云以  
下十行天  
羅地網水  
屑不通

趙普奸臣也。史臣以定策佐命，始終一心，三百年之宏規，平昔  
 素定，獎譽失實矣。於廷美之獄，咎其學力不足，由於患失，嗚呼！  
 鄙夫無所不至，烏覩有岸谷正直不回者哉！且世亦豈有今日  
 讀書次日臨政，即能處決如流者？嘗跡其所為，未必不為太祖  
 指臂之力，而孺量邪心，則小人之尤甚。方昭憲長君之論，囑普  
 同記，普以為不可也。當引宋宣公吳諸樊為戒，昭憲思深慮遠，  
 諒必垂聽。普以為可，則不得謂太祖之誤。即榻前為誓書於紙，  
 尾署曰：臣普記。夫以太祖之孝，必能遵母命也；何必誓書？太祖  
 不遵母命，以傳位太宗，普力爭可也；何必署名？深知太祖無利  
 棟懷堂隨筆卷一 春明雜著 美

天下之心，而陰挾以不得不傳之勢，他日以事太祖者，事太宗。  
 以事太宗者，背太祖，其意已定於此。開寶六年，免普相，因雷有  
 鄰控中書不法事，下御史鞠實。帝始疑普出為節度，其上表自  
 訴，有曰：外人謂臣輕議皇弟，開封尹贊揚忠孝，追溯顧命，此於  
 中書不法事，何與其焉？用詠史書趙普免，連書宋主封其弟光  
 義為晉王，班宰相上普，自免光義，自封豈推戴力哉？太宗即位  
 六年，禹錫等告秦王驕恣，普願備樞軸，察奸變。秦王以次傳位，  
 厥有誓書，其不肯欲速以躬犯不韙也。明甚，何奸變之為？自陳  
 顛末，帝由是發金匱得誓書及前表，普處心積慮二十年，至是  
 始售其奸矣。諷李符許廷美，又恐符言泄，以他事貶之，包藏既

厚。輾。轉。相。生。豈。復。有。人。心。哉。太。宗。嗣。位。武。功。興。元。相。繼。歿。未。了。者。秦。王。耳。子。突。立。而。傳。歿。死。夷。吾。入。而。里。克。誅。普。計。之。熟。矣。太。宗。之。發。金。匱。也。在。興。國。六。年。召。普。謝。過。擢。拜。司。徒。明。年。秦。王。貶。矣。又。明。年。普。亦。免。矣。豈。獨。功。成。身。退。哉。亦。無。所。用。普。矣。帝。既。德。普。驅。除。其。後。嗣。陰。感。得。國。之。由。陽。託。策。勳。之。典。呂。望。蕭。何。擬。之。不。倫。陳。橋。之。事。排。闥。入。告。此。亦。攀。鱗。附。翼。欲。得。功。名。守。信。輩。優。爲。之。不。必。普。吳。越。致。海。物。啟。之。皆。金。太。祖。曰。彼。謂。國。家。事。皆。由。爾。書。生。曷。嘗。以。王。佐。才。目。普。哉。太。祖。遵。母。命。傳。位。太。宗。太。宗。不。傳。位。亦。已。矣。逢。君。之。惡。骨。月。相。殘。在。天。之。靈。能。無。飲。恨。普。病。致。禱。神。爲。降。語。以。有。冤。累。普。冠。帶。受。言。涕。泗。感。咽。旋。卽。隕。歿。嗚。呼。有。以。也。

棣懷堂隨筆

卷一

春明雜著

三

按宋袁褰楓窗小牘云。普疾夢甚惡。使道流禳謝。難言章旨。普從枕躍起。自草曰。情關母子。弟及自出於人謀。計協臣民。子賢難違乎天意。乃憑幽祟。逞此強陽。瞰臣氣血之衰。肆彼魘呵之厲。倘合帝心。誅既不誣。管蔡幸原臣死。事堪永謝。朱均密封焚之火。正藝函。此章爲大風所掣。吹墮朱雀門。爲人所得。傳頌於時。按本傳亦載普疾篤。遣親吏甄潛詣上。清太平宮致禱。神降語云云。是夕卒。讀此可與楓窗小牘互證。

樞主

保身念重則無所不爲。豈復顧人骨月耶。誅心之論。筆挾風

霜南雅

眼明手快字挾鋒芒其持論精核無可置議然此事如老吏斷獄所謂不期刻而自刻耳

薊庚

辭直理正薊庚謂如老吏斷獄信矣以為刻則非也文筆峭厲在子厚明允之間

向亭

持論極為平允其綜核事實能以識勝故能顛翻舊史獨運心裁

弟學尹拜讀

筆力廉悍可畏

侍陳沅識

老氣橫秋覺罪當情真無懈可擊

麓門

英鷲峭絜精悍逼人時露偏霸之氣於近世尤近勾庭

祥河

棟懷堂隨筆

卷一

春明雜著

三

讀宋太宗本紀

施○石○骨○語○

太宗之惡。趙普成之。趙普之奸。太宗知之。不知不用也。太祖傳

位於弟。以次及德昭。德昭之不立。非太祖所及也。違母背兄。激

死德昭。憂死廷美。太宗事也。趙普心也。惟楚王知此意。故薄天

子不為而狂疾作矣。惟真宗知此意。故念元勳不置而祀典隆

矣。太宗嗣位六年。未嘗用普。因樞軸之請。發金匱之藏。謝曰。人

誰無過。朕已知非不用。普未遂為過。知普之挾太祖以與之國

而不用。乃為過也。明年以傳國意訪普。普曰。太祖已誤陛下。豈

容再誤太祖。由及及生誓書具在。何訪焉。普知太宗無傳國意

太宗知普有固寵心甚矣。君臣之投契也。且非直此也。至道元

棣懷堂隨筆

卷一

春明雜著

五

稍推六觀  
此知薛鑑

表此一事

實有深意

陳文莊謂  
事小可刪  
尙未見及  
此耳

年始立元侃為太子。聞少年天子語不免有遂為閒人之見。夫

人至不肖棄父母命。薄手足恩。未有不愛其子者也。愛子者私

情也。然猶有情。太宗以人心遽屬東宮。愀然不樂。其秦越德昭

仇讐廷美宜也。況肯拳拳成誓。挈天下而畀之哉。吾故表而出

之以誅太宗之心。史於踰月改元。宋后不成服諸事。亦有遺議

而稱其有削平天下之志。以余觀太宗二十餘年功業。無所表

見。縱保忠畀故封。而西夏殷憂矣。太原乘勝進圖幽燕。而師徒

屢敗矣。王侁陷楊業而不誅。仁朗定計擒賊而下御史獄。承矩

勇敢有謀。而目為輕脫。何以命將嘉田錫之疏。因趙普讒而出

為轉運。何以勵言官。其甚者樂禹錫之訐。而賞謂郭贄之直。而

愚幸左藏有薄先帝心。進幻術欲貸利用。僭越罪史冊所載。難以悉數。昔太祖議由洛陽都陝西。太宗固請還汴。宋以是終世不競。嗚呼。何其偷也。今不考其事。而原其志。則投龜占。龜亦英傑也。以平太原爲駿烈。壓卵亦力士也。以甬錢俶爲奇謀。攘羊亦勝算也。而謂英斷者如是乎。吾又表而出之。以薄太宗之功。昔湘漁舍舅爲余言。有議此事由昭憲貽患。頗不謂然。余問之。荅曰。太宗得位之燕王也。燕王不得位之太宗也。余曰。尙不盡然。太宗不得位不能爲燕王之所爲。有狼貪之志。無鷹鷲之才也。燕王得位不必爲太宗之所爲。才十倍於建文。知其無足忌也。君論精卓。請進一解。因書本紀後。並錄之以誌棣懷堂隨筆。卷一。春明雜著。

感焉。時辛巳春。抄湘漁沒六年矣。自記。

罕

以眞宗立太子時語見太宗貪戀寶位。以實其殺弟殺姪之罪。無可置辨。讀此益令人於釜聲燭影之疑不能釋然。南雅昔咏史至宋太宗有大志兒郎惟有母太平天子已無兄之句。今讀此文私幸默契。姚東之識

抉摘之微。春秋誅心之論。其雋傑廉悍不懈而及於古。麓門悍峭近古。侍沅識

前半誅其心。後半薄其功。信手拈來無隱不燭。無堅不摧。中間略具波折。尤見古蘧。至太宗才遜燕王。自記八語實是卓論。不刊。祥河謹注

似東坡志林文字 羽父請殺桓公而又譖隱於桓則於隱  
桓無所擇也普則心乎太宗矣桓猶假手爲氏之賊斧聲燭  
影直手刃其兄矣宋史成於元人不知何所見而爲之諱也  
讀公二論揭日月於中天而天下之亂臣賊子懼矣爲之一  
快 蔡任莘雨註

棟懷堂隨筆

卷一

春明雜著

望



對卷五華雨情

信公二論其日月於中天而天下之亂臣賊子懼矣爲之一  
快 蔡任莘雨註  
讀直手刃其兄矣宋史成於元人不知何所見而爲之諱也  
讀公二論揭日月於中天而天下之亂臣賊子懼矣爲之一  
快 蔡任莘雨註  
東坡志林文字 陳父請殺桓公而又譖隱於桓則於隱

范增論

范增者項羽之爪牙義帝之蠱賊也先是增說項梁以言可用從之增之言曰陳涉敗固當君起江東楚將爭附知將立楚後也此其意不為懷王以為涉之敗在不立楚為名則梁之成在立楚為名也以名不立楚而敗者當則以名立楚而成者宜也當會稽守欲發兵請梁將梁命羽斬之項氏諸人之不能臣於人也增知之矣知其不能為臣而立之君以臣之此必有位置其君之地吾故曰意不為懷王然此猶曰誅心之律而世或以深文病也羽以兵四十萬擊沛公沛公親至鴻門謝罪幸得脫是時懷王固無恙增乃曰奪項王天下者必沛公夫項王則

棣懷堂隨筆

卷一 春明雜著

壘

何天下之有弁髦其君之心積之於平日故於拔劍撞斗盛怒發洩之時中情流著不自禁東遂以天下屬之項王也且夫意有專注而特託之名者未有不敗露者也中郎將流涕送行而不能不誌喜於抱頸秦王亟讓東宮而不能不關弓於臨湖太傅對客圍碁不動聲色而不能不折屐於戶限嗚呼胡可假也厥後羽尊懷王為義帝又二年殺之江中而增曾不一言者知其陰有以教之也論者不察用意之深而律以去就之分疎矣且義帝惡乎賢項氏立之而不以為大將而使受制於殉私翫寇之卿子冠軍此必非羽所安也及羽矯殺卿子冠軍復命為上將軍而不討其專戮亦又無能之甚也增於興兵之初而勸

之立知其起事則名可倚成事則人易除帝之見弑以無能增  
之所以立帝也不然委贄事人禍福與共安有同僚弑君弑已  
爲謀主所立之君觀望周章遲之數年而始去者哉由是觀之  
項羽之亡不在疑臣而在弑君范增之罪不在貪位而在黨惡  
向令陳平不設反間之計項羽不納歸報之言則增將終身倚  
之以成功業豈忍言去哉或曰弑義帝者沛公也策羽有勇無  
謀終就夷滅事定之後如義帝何是以陰使人刺之江中坐羽  
大逆師益有名夫致忍於親何有於君是說也然歟否歟姑存  
之弗論

余少時喜讀大蘇文及東萊博議每讀一篇輒綴數語以抒

棟懷堂隨筆

卷一 春明雜著

望

管見其藁隨手散失不復存錄是篇爲十六歲時作先兄命  
圃謂頗有論古之識因檢而存之辛巳十一月十六日補錄  
戊午年作弁髦其君之心至胡可假也一段增入 自記

偏師制勝直搗中堅真讀史巨眼也

麓門

是篇真有老吏斷獄手段用筆峭刻處近柳子厚 向亭

縱橫如東坡而加以適鍊

南雅

此秦官照膽鏡也筆力廉悍咄咄逼人 一亭識

超軼奮迅當者辟易

祥河謹注

識力遠勝大蘇筆力亦堪頡頏 按漢二年十月籍趣義帝  
自彭城徙江南使吳芮英布共敖擊殺之江中其事證甚明

是時漢王方收關中定都櫟陽道里迢遞楚漢方爭關塞必  
嚴漢使何得至江吾聞天命不僭豈有無父無君而能開四  
百年之帝基者分羹之語自是萬不得已之權計卒以是得  
全太公未便直坐以無父也無稽之言勿聽帝王廢興明命  
所繫曹魏朱梁果報昭然未有倖免漢高負功臣其子孫卒  
有臣禍亦有驗也

學尹識

櫟懷堂隨筆

卷一

春明雜著

四

與李衡庵書

十年爲客燕雲薊雨之鄉。一日思君霽月光風之度。羨文章之  
斧藻。幾度嘔心。託臭味於岑苔。曾勞說項。昔歸梓里。忽奉蘭音。  
寵錫吟箋。輝生行篋。官有程而孔亟。無緣識韓人。相與於忘形。  
不必見戴。遂令露宿風餐之日。時有室邇人遠之嗟。意欲揮毫。  
揭寸衷以相訴。才非鑿齒。脩尺牘而未能。君其鑒諸。我之懷矣。  
薄宦京華。浮踪人海。銜真冰冷。使不星馳。分鶴俸以無多。佩虎  
符。其何日。臣不求富貴。豈甘以貧賤終。迹有但羈。栖固難作。山  
林想馬以驚。而戀棧烏何計。今越樊。况乃願不揚眉。禍將旋踵。  
蓬頭椎髻。誰是生存。蹙額撫膺。幾多撐拄。文通妙管。莫攄飲恨。

棟懷堂隨筆

卷一 春明雜著

望

之天開府。清才慣詠。傷心之賦。豈有多男多累。忽換作伯道。無  
兒空憶。宜室宜家。竟同問叔孫。不對。失得憂虞之象。凶悔吝三  
痛哭流涕之時。長太息。六降百殃。於自作不齒於人。觸萬緒之  
循生。以頭搶地。便宜息機。蛾赴屏念。蠅營而債已索。諸臺前券  
誰焚於薛下。可容淵明歸隱。真成自在之身。能學參軍罄貲。猶  
是富家之吉。又何至爲進退爲不果。以棲遲以樂飢也哉。先生  
學業名山。襟期流水。著書逢關尹。人間道德之歸。附擢許林宗。  
士有神仙之望。僕薦蘿託葵藿心。傾同華胄之遙。遙繫余情。  
其渺渺。記昔年之獎藉。此眼猶青。嗟遠道之縈洄。有懷莫白。爰  
書駢語。用代魚箋。伏惟餐衛自珍。並冀鑒原不盡。

情至文生 麓門跋

哀而不傷達而不放其度自偉其情自深 聽翁讀

華亭張祥河詩舫校梓  
受業 泰和周作楫夢巖校閱

棟懷堂隨筆

卷一

春明雜著

吳



哀而不傷達而不放其度自偉其情自深

尚王文士

